

第十一期

# 歷史文獻

上海圖書館歷史文獻研究所編

按初先生賜登去冬奉

教

尊處迄未收到想付沈潛愈增馳仰通維

起居多祿為祝 實因居延本簡在港影印候逾兩載結束無

期不得已未此催從兼旬策屬已全部照竣校改排比十月間

北京外語學院北師大

周法良上  
八月三十日

上海古籍出版社

第十期輯

# 歷史文獻

上海圖書館歷史文獻研究所 編

上海古籍出版社

## 圖書在版編目(CIP)數據

歷史文獻. 第16輯 / 上海圖書館歷史文獻研究所編.  
—上海: 上海古籍出版社, 2012. 4  
ISBN 978 - 7 - 5325 - 6256 - 5

I. ①歷… II. ①上… III. ①中國歷史—研究—文集  
IV. ①K207 - 53

中國版本圖書館 CIP 數據核字(2012)第 023286 號

責任編輯 占旭東

## 歷 史 文 獻

### 第十六輯

上海圖書館歷史文獻研究所 編

上海世紀出版股份有限公司  
上 海 古 籍 出 版 社 出版

(上海瑞金二路 272 號 郵政編碼 200020)

(1) 網址: [www.guji.com.cn](http://www.guji.com.cn)

(2) E-mail: [guji@guji.com.cn](mailto:guji@guji.com.cn)

(3) 易文網網址: [www.ewen.cc](http://www.ewen.cc)

上海世紀出版股份有限公司發行中心發行經銷 崇明裕安印刷有限公司印刷

開本 850 × 1168 1/32 印張 17.875 插頁 4 字數 438,000

2012 年 4 月第 1 版 2012 年 4 月第 1 次印刷

印數: 1 — 1,300

ISBN 978 - 7 - 5325 - 6256 - 5

K·1508 定價: 62.00 元

如發生質量問題,讀者可向承印公司調換

## 編纂委員會

**顧問** 王鶴鳴 王世偉  
**主編** 黃顯功 陳建華  
**委員** (以姓氏筆劃為序)

王 宏 高洪興 陳先行

陳建華 張 偉 梁 穎

馮金牛 黃顯功

**執行編委** 梁 穎

揆初先生賜鑒去冬奉

手教當裁未牘畧達鄙忱昨舍弟朱蘭云

尊嚴迄未收到想付沈澤愈增馳仰邇值

起居多祿為祝實因居延本簡在港影印候逾兩載結束無

期不覺已未此催促兼旬策屬已全部照護校改排比十月間

可印成現香港已非安全之地擬將原稿移至昆明與中央研究

院殷墟遺物同置一處惟滇越路甚不易通行耳前數日晤

張菊翁談及

先生藏書設館及陳公之於世

嘉惠之麻時与名山比峻較之贈与學校或圖書館者尤為妥慎

欽服焉似小兒粒魯不足任便乃蒙

破格錄用但叨非分猶憶卅五年前實在校畢業蒙


招致赴達令試辦學堂今允復荷

裁成兩世恩緣決非偶然藝

恩懷德永熱酬香奩專肅敬請


崇安 徐鴻賓謹上 六月四日

徐森玉致葉景葵手札




(周叔弢藏本)

宋本《西漢會要》書影




(潘祖蔭藏本)





周珏良致上海圖書館函



上海圖書館致周叔弢函件底稿（顧廷龍擬）

## 目 錄

|                    |            |         |
|--------------------|------------|---------|
| 詩龕朋舊尺牘 .....       | 吳忱 劉青山整理   | ( 1 )   |
| 吳煦致應寶時手札 .....     | 夏穎整理       | ( 29 )  |
| 嚴樹森致朱學勤手札 .....    | 鄒曉燕整理      | ( 56 )  |
| 陳寶琛遺墨 .....        | 陳星整理 陳絳校注  | ( 87 )  |
| 沈曾植與丁立鈞書札 .....    | 許全勝整理      | ( 134 ) |
| 瞿啓甲致孫毓修信札 .....    | 馬驥整理       | ( 152 ) |
| 求恕齋遺札 .....        | 鄧昉整理       | ( 189 ) |
| 求恕齋友朋手札(上) .....   | 沈麗全整理      | ( 233 ) |
| 徐鴻寶、周遲致葉景葵書札 ..... | 梁穎整理       | ( 281 ) |
| 鄭振鐸致徐森玉函札 .....    | 柳向春整理      | ( 284 ) |
| 鄭齋金石題跋記 .....      | 沈樹鏞撰 汪政整理  | ( 344 ) |
| “四歐秘笈”題跋輯錄 .....   | 沈傳鳳整理      | ( 388 ) |
| 海日樓書錄 .....        | 沈曾植撰 柳岳梅整理 | ( 406 ) |
| 罪言之一鱗 .....        | 葉景葵輯 柳和城整理 | ( 424 ) |
| 盛宣懷晚年每日起居飲食表 ..... | 鄭村聲整理      | ( 437 ) |
| 吳門貴潘著述知見錄 .....    | 丁小明        | ( 438 ) |

- 《鮑廷博年譜》補遺 ..... 劉尚恒 (481)
- 《何氏族譜——何維鍵支系新譜(1—6代)》跋  
..... 何祚庥 (527)
- 記周叔弢先生與上海圖書館的一段因緣 ..... 梁穎 (562)

## 詩龕朋舊尺牘

□ 吳 忱 劉青山整理

上海圖書館藏法式善《詩龕朋舊尺牘》手卷，裝幀精美，保存完好。今春蒙梁穎兄示覽，賞玩之餘，屬爲整理。此卷首頁“詩龕朋舊尺牘”六字，乃出嘉慶二年十月翁方綱手筆；封面續溪周宗杭題籤，則在次年之五月二日；卷中又有何道生嘉慶三年戊午短至日過詩龕展讀之記，因識此卷製作之時間，即在此年中。蘇齋之書，乃出梧門親屬，周宗杭題籤又有“第一卷”之謂，此皆可窺梧門存舊之拳拳用心。梧門性真摯，喜交遊，早年即築“詩龕”以會友，後終其一生，未嘗中輟。曾云：“十年聽雨者，謂之朋舊；千里論文者，亦謂之朋舊。如簡齋、山舟、辛楣、禮堂、夢樓、甌北、姬傳諸前輩，竹初、石桐、芷衫、退庵、蘇亭、琴士、柳村、心盦諸君子，始通縑素，繼托心知。”（《朋舊及見錄例言》）“又或因其父兄逮其子弟，或因其弟子及其先生”（同上），宜其朋舊之衆矣。此卷收朱珪至張問陶三十三人信札五十七通，箋紙多爲彩箋，書體或行或草，則不僅於梧門交遊可資考證，即一卷在手，其品亦風雅可賞矣。因請弟子劉君青山初釋手卷文字，并補撰所涉諸家小傳；復請念庵吳忱先生校審理董，劉君有未明者，亦由其考辨補闕，全稿遂成。稿後附載余曩年所作之梧門先生傳，俾助讀者省覽手卷主人也。庚寅小雪

前一日張寅彭識於滬西之默墨齋。

詩龕朋舊尺牘自朱石君尚書訖張船山檢討五十八札。嘉慶三年戊午五月二日，績溪周宗杭題籤

按“五十八”當爲五十七之誤。周宗杭，周廷案之侄。號西麋，安徽績溪人。諸生。身歷乾隆、嘉慶兩朝。擅長書法、篆刻，著有《韓詩外傳拾遺》等。

詩龕朋舊尺牘 丁巳冬十月梧門屬方綱題

翁方綱小傳見下。

—

久闊霽光，有疏敬敬。朶雲遠賁，如挹芝芬。稔悉老先生大人擷英瀛丈，選玉崑閩，真閩苑之津航，瑤林之盛舉也。弟塵勞滾滾，薄植久蕪，舊作半已拋散，尠可災梨。憶丁丑歲曾獻《南巡冊》四六序、四言頌，此篇入選，而體尚與館課不悖，已囑兒子揀稿錄呈，或可備擇也。附寄梓意晒照，順問陞佳。附璧謙柬。不一。弟功珪頓首 八月十八日

朱珪(1731~1807)，字石君，號南崖，晚號盤陀老人，順天大興人。先世居蕭山，自父文炳始遷籍。乾隆十三年(1748)成進士，選庶吉士，散館授編修，侍讀學士。乾隆四十一年(1776)，在上書房行走，教嘉慶帝讀書。後歷任兩廣總督，吏、兵、戶部尚書，協辦大學士，太子太保，太子太傅等職務。卒謚文正。

二

敬啓時帆大人閣下：

弟以腹疾，不敢行禮。請教公中堂於廿九日將不及請旨另派之故奏明。即奏。此次係大人在後殿行禮。尚此啓知。摺稿奉

上。不宣。劉墉拜具 初一日

劉墉(1719~1804),字崇如,號石庵,另有青原、香巖、東武、穆庵、溟華、日觀峯道人等字號。山東省高密縣逢戈莊人(原屬諸城),祖籍江蘇徐州豐縣。乾隆十六年(1751)進士,官至內閣大學士,卒謚文清。爲官清廉,有乃父劉統勳之風。書法與同時之翁方綱、梁同書、王文治齊名,傳世書法作品以行書爲多。

### 三

盛暑枉顧,不勝惶愧之至,容日謝步。詩扇呈上,一笑而已。學正學錄下月可補(此回人多,不帶引見也),蔣和必五缺後始用。謹聞時帆大人閣下。弟劉墉頓首

### 四

敬啓者:弟頭暈未全愈,今日召見垂詢,已奏明矣。廿七日不能到園,且奏銷亦儘可改緩。現諭富廳將摺押住再商。專此手啓奉聞,希照入。不既。時帆大人。弟墉拜具 廿六日燈下

### 五

槐雨圖題妙,而詩不稱,塞命而已。斧削是荷。橫卷剪王字收藏,前半繳上。王君逸才,然下筆不務謹嚴,殊非細事。大人知而愛之,自必裁而正之,是誠造就人才宗工哲匠所留意也。僭易不罪。時帆大人閣下。弟劉墉拜具 初一日

### 六

院署拙摹何義門對聯,日內即擬遣工拓之。再集部內之徐迪功集底本,并求借抄,統於五月初十內,期於辦竣,總要在榮擢之前

果此愿耳。藉候日好,餘容再悉。不既。恕具 四月廿六日

翁方綱(1733~1818),字正三,一字忠敘,號覃溪,晚號蘇齋。直隸大興(今屬北京)人,乾隆十七年(1752)進士,授編修。歷督廣東、江西、山東三省學政,累至內閣學士。精通金石、譜錄、書畫、詞章之學,論詩創“肌理說”。著有《復初齋詩文集》等。

## 七

遠臯事,雖未接其訃,但恐日久,竟不具訃,豈有愀然之理?聞其現已不在城內矣。未知於何處可探問其行事大概,或於某處可探知其尊人封稱并字號,可以寫對聯者有否?專此奉託,便中一問,示知爲禱。如十分難問,則已耳。司成題名,拓得輕重適勻者,再得惠一分爲懇。恕具

## 八

瀆懇者:日內有需查吳原博詩集,而城外遍覓無之。未知鄴架有此不?又不知誰家有此集。如月底月初正值涖事公忙之際,或便中見文、蔣二年兄,託其代一借庫底本,不過二三日即封還之,未知可否?實不知此時掌集部者是某位耳。遲三五日亦不礙,強瀆強瀆。梧門司成老友左右。恕具 十一月廿七日

如只借其詩亦足用矣(匏庵家藏集)。

## 九

百日初滿,正涖事一切繁劇之時,萬勿即以回看爲念(不但相好之深者不在乎此,即公共需謝者,亦且勿急急,斷無不相諒之理也)。若便中見辦事諸公,昨所說匏庵家藏集,如有可借之緣,兼求借沈石田詩一查,不過二三日內,一準封繳,不致損汙。藉候日安。

不既。方綱頓首 十二月二日

—〇

拙刻時文稿二冊奉鑒(似記得前歲所奉送者,末尾少《與國人交》一篇耳)。文之單行者,以古文格律爲之固妙,不則謹守先正中後六比爲是。近日有單句題,省卻中比,或竟化中比爲一段者,諒亦有心斯道者所必懲也。郭君基表二首,粗爲薙冗,然未必能書之矣。附繳不宣。恕具 五月廿二日

轉假之帳房二架,乞付來人手。

—

今定於用帳房三架矣,除現借之二架外,再乞代借一架(須寬大者),足矣。和詩摺子已向蔗林借矣,俟借來即照式奉上也。其餘所應帶書籍等,可以彼此通力合計者,省得重複帶也。尊齋有李丹壑詩二種,俱乞借一查。恕具 二月十七日

—二

懇者:此時雖尚未經奏派,而隨圍之具不得不預籌於先。務祈老世兄大人爲我多謀數處,且必需有三架。而三架之中,又必需一自己作臥室之帳房,此尤切要。不得不謀之於先者,一經派定,即往取不難耳。藉候老世兄大人陞祺。不宣。方綱頓首

—三

日內有一畫手在此,如昨日所粗立規模之西涯稿底可一借看,則日內一看,即先繳也。如其稿已付友人處,不能先即取回,則未知其昨立草底之手在左近可記憶,煩一粗寫方向大概否?因欲試此人書法也。不則俟其畫成,再借看耳。恕具

## 一四

圖樣底子已付友繪之。愚意此畫以不寫細注爲雅。尊處煩令友所畫,其或應寫細注與否,須再酌之(即寫亦必愚用細楷寫之)。愚意欲於圖後另作一記,則畫內可以不寫,統俟兩處圖成,合看酌之。專此專此。恕具

## 一五

大昕頓首。梧門老先生大人閣下:大昕跼伏江鄉,爲日已久,於都門貴人未敢輕通尺素。大人當今山斗,詩文播在人口,弟素所欽仰,而燕吳迢遞,未及瞻韓,時以爲憾。乃去冬吳竹橋以《梧門》、《詩龕》兩圖見示,轉述台諭,索題拙句,草率不恭,諒爲大方噴飯。今歲又於蔣生莘處得見尊札,齒及賤名。伏念大人身依日月之光,交游滿海內,乃猶於細流寸壤、素未通殷勤者,亦復吹噓及之,殆所謂前生有香火緣者耶。弟目眊耳聾,日甚一日,無由再作春明之游,唯望旌節南來吳會,或得於道左一識紫芝眉宇也。茲因陳稽亭工部入都之便,敬附寸函,奉候興居,不任馳切之至。學弟錢大昕再頓首 丁巳七月十五日

錢大昕(1728~1804),字曉徵,一字辛楣,號竹汀,江蘇嘉定(今屬上海)人。乾隆十六年(1751)南巡,因獻賦獲賜舉人,官內閣中書。十九年中進士,擢升翰林院侍講學士,三十四年入直上書房,授皇十二子書。參與編修《熱河志》、《音韻述微》、《續文獻通考》、《續通志》、《一統志》及《天球圖》諸書。後爲詹事府少詹事,提督廣東學政。四十年辭官歸田。歷主鍾山、婁東、紫陽書院講席。門下弟子衆多,推爲一代儒宗。著述甚富,後世輯爲《潛研堂叢書》刊行。

## 一六

拙賦得望尊刻，榮幸之至。有一二誤字，祈發削手補正是感。  
附候日安。不莊。學弟元瑞拜啓

彭元瑞(1731 ~ 1803)，字掌仍，一字輯五，號芸楣（一作雲楣）。江西南昌人。乾隆二十二年(1757)進士，選庶吉士，授編修，官至工部尚書、協辦大學士。博學強記，曾是《四庫全書》副總裁之一，又任《高宗實錄》總裁，朝廷禮儀、制度等多出其手。先後編成《秘殿珠林》、《石渠寶笈》、《甯壽鑒古》、《天祿琳琅書目續編》等圖籍目錄。詩文集有《恩餘堂輯稿》、《經進稿》、《宋四六話》、《知聖道齋讀書跋》等。卒贈太子太保，諡文勤。

## 一七

去歲祝芷塘南回，捧接朶雲，兼拜名紙。自惟屏跡江鄉二十餘載，疵賤姓名，當世已無有齒及者。雲霄之上，忽千里寄聲，此段通懷下士之忱，當於古人中求之也。敬惟老先生天才卓越，望實兼隆，大雅扶輪，羣材盛仰。近雖稍更宦轍，而結習所在，宿願必償，一代宗工，終歸作手，千秋大業，固不以目睫論也。弟老病浸尋，不復能從事鉛槧，謹附舊刻拙詩一部，就正有道，幸有以教之。承賜佳章，工力老到，極深嘆服。惟獎借處，愧不敢當，謹次韻奉酬，未免班門弄斧矣。因范生廷謨入都之便，肅泐奉復。並繳謙柬。臨楮神溯。時帆老先生閣下。弟趙翼頓首

趙翼(1727 ~ 1814)：字雲崧，一字耘崧，號甌北，晚號三半老人，江蘇陽湖(今江蘇省常州市)人。乾隆二十六年(1761)探花。官至貴西兵備道。旋辭官，主講安定書院。長於史學，考據精駭。